



ЯМДЕ ЛИЙ

1933 ий 1 февраль годсек лектеш.

0+



ЙОЧА КУМЫЛ КЕЧЕ ГАЙ

«Ме, властьште улшо кугыен-влак, тыланда эреак полшена, – каласен Александр Александрович Евстифеев. – Кажне ийын тулык-влаккан илыме верым ойырена. Профессиональный шинчымашым налашда республикыште чыла йӧн ышталтын».

Д.Резкинын фотож

«Кугарня» ден «Ямде лий» газет редакций-влак тендам Почмо омса кечышкышт унала ўжит!
15 июньшто авторский мурым мурышо-влакын «Какшан сер ўмбалне» фестивалышт лиеш.
17 шагатлан тўналеш.
«Ямде лий» газет редакций йоча-влаккан модмо программыв ямдылен.
16 шагатлан толза!
Йошкар-Оласе Энерўмбал (набережный) Амстердам, 1-ше №-ан пӧрт ончылно вучена.

1 июньшто – Йоча-влакым аралыме тўнямбал кечын – Марий Эл Вуйлатыше Александр Александрович Евстифеев Лїльпан йоча пӧртыш миен. Тўшто тулык икшыве да ача-ава полыш деч посна кодшо йоча-влак илат. Республик Вуйлатыше яратолын огыл, тудо кугу тортым, шуко канцеляр арверым, модыш-влакым конден. Ойлымыж почеш, тиде кечым йочам аралыме веле огыл, а йоча-влаккан полшышым пымо кече манашат келшен толеш. Мутлан, кодшо ий кекежым Лїльпан йоча пӧртлан эл Вуйлатыше автбусым пӧлеклен ыле. Удыр-рвезе-влак уна-влаккан мурен, куштен, почеламутым лудын ончыктеныт. Эсогыл пырля модынт, фотографироватлалташат монден огытыл.

Л.СЕМЕНОВА ямдылен.

ПОДПИСКЕ!



Индекс –
94696.

«Ямде лий» газетын акше – 298 тенгеат 80 ыр.

Лотерей модышыш ушныза!
2018 ийын кокымшо пелыжлан «Ямде лий» газетлан подпискым ыште да квитанцийжым редакцийыш колто.
Лотерейын учредительже – «Ший памаш» сылнымут фонд.
Вуйлатыше – В.В.Краснов.
Тўн приз – МУНЧАЛТЫМЕ ВАТРУШКО.

Рекламе.



Паша лектыш уло!

«Йоча организаций дене 32 ий пашам ыштем, – куанжым пайла Л.А.Илдаркина. – Пашанам кукшын аклымылан кугу таум ойлем!»

Арбан школ сенгышыш лектын. Курыкмари район Микрак школын тунемшыже-влак Лена Алдушкина, Аня Малова, Настя Саутова (вуйлатыше – Л.А.Илдаркина) «Медиацентрын лидерже-влак» тагасыште сенгыше лийыныт. Нуным снимкыште ужда.

«Шочмо верын патриотшо» тагасыште Звенигово лицейын йоча организацийже ойыртемалтын. Ты номинацийыштак Морко район Унчо школ лумын ямдылыме приз дене палемдалтын. Сенгыше-влаклан ноутбукым, сото телефоным кучыктеныт.

Л.ГРИГОРЬЕВА.

Вучымо кенгеж

Кенгежым чот вученам. Молан? Кум тылзе шуйнышо каникуллан кор. Йуштылаш кош-таш туналам, колымат кучаш шонем. Сурт сомыл-камат ышташ полшем.

Анна АЛЕКСАНДРОВА.



Каникул годым качай дене колым кучаш коштам. Кажне кечын. Огыда ушане? Колызылан чыгыш кулеш. А мыйын тудо уло.

Иван ВАСИЛЬЕВ.

Мый няня лиям: авамлан изи шоль-мым ончаш полшем. Вет мый ешыште эн кугу йоча улам. Шкемым авамын энтертышыжлан шотлем.

Екатерина РАССАНОВА.

Морко, Коркатово.



31 майыште Медведево посёл-кысо 3-шо номеран школышто «Марий Элын йочаже-влак» конкурс иктешлал-тын. Тудо икымше гана эртаралтын. Тагасымашке 23 йоча организаций ушнен, 92 тунемше турло номинаций-ыште мастарлык-шым терген.

«Самырык волонтер-влак» номинацийыште Медведево район У

Конкурсым илы-шыш шындараш Россий Федераций Кугыжаныш Думын депутатше, «Российское движение школьников» йоча да самырык-влак организацийын Марий Элысе полкан председателже С.Ю.Солнцева полшен.

Кенгеж – 2018

Кенгежым республикысе 185 лагерыште 16 тужем йоча канаш тунгалеш. Тышеч 7 тужемже – начарын илыше еш гыч. 7 обороно да спорт, палаткан 3 лагерь пашам ыштат.

Порылык корно дене

Руэм кыдалаш школ пеленысе лагерыш 95 йоча коштеш. Нуно 5 отрядлан шелалтыныт. Лагерь Волонтерын идалыкшылан пол-клатын да «Порылык корно дене» программе почеш пашам ышта. Йоча-влак А.Волковын «Волшебник Изумрудного города» повестысе герой-влак се-мын поро койышыштым ончыктат. А.С.Пушкинын шочмо кечынже сай пашалан тунуктышо «Йомак эстафетым» эр-тареныт.

Л.Г.ИВАНОВА.

Медведево район.



2018 ий – Добровольцын (волонтерын) идалыкш

Авторын фотожо.

Марий Элыште руш йылме дене ЕТЭ-м 3 тижем наре тунемше кучен.

1 июнь гыч 15 июль марте Нижний Новгородышто «Большая Волга» ончер эрта. Юл кундемысе суретче-влак радынаштым ончык-тат. Марий Эл гыч 28 художник ушнен.


Кече лекме годым лйп-лйп гын, кастене ййр лиеш.

16-17 июньышто Йошкар-Олаште йоча футбол коман-де-влак коклаште «Локобол-2018-РЖД» тунямбал фести-вальын регион-влак кокласе этапше лиеш.

Июнь пашашке ужата, мурым мондыктара.

Кече кенгежым 10 гыч 15 шагат марте эн чот пелта.

«Лудыкшы-дымылык школ» республикысе кон-курсашто 19 коман-де тагасен. Сенгышыш Марий Турек районын командыже лектын.



12 июня

12:00 – Торжественное открытие Дня России (Площадь имени В.Ленина)

12:30 – Парад дружбы народов (Шествие по улицам Комсомольской, Пушкина, Первомайской до Мемориала Воинской Славы. Возложение цветов. Бульвар С.Г. Чавайна)

13:00 – Музыкально-хореографический спектакль «Марипарк» (Центральный парк культуры и отдыха, Летняя эстрада)

13:00 – Праздничная концертная программа – «Посвящение Дню России» (Царевококшайский Кремль)

13:30 – Хоровод дружбы «Возьмёмся за руки, друзья!» (Набережная реки М.Кокшага и Патриаршая площадь)

13:30 – Открытие экспозиции «Земля, рождённая Небом» (Благовещенская башня, Площадь Республики)

14:00 – 19:30 – Концертная программа «Навеки с Россией!» (Патриаршая площадь)

16:00 – Театрализованное представление

«Русская берёзка» (Центральный парк культуры и отдыха)

16:00 – Рок-опера «Юнона и Авось» (Марийский государственный театр оперы и балета им. Э.Сапаева)

18:30 – Сказание о князе строителе «Андрей Боголюбский» (Владимирский академический областной драматический театр на сцене Академического русского театра драмы им. Г.Константинова)

13 июня

16:00 – Научно-популярный диспут «Навеки с Россией: aleajactaest» (МарНИИЯЛИ им. В.М.Васильева в Академическом русском театре драмы им. Г.Константинова)

18:30 – Историческая трагедия «Царь Фёдор Иоаннович» (Московский театр русской драмы под руководством М.Щепенко на сцене Академического русского театра драмы им. Г.Константинова)

14 июня

18:30 – Женитьба (совершенно невероятное событие в 2-х действиях) (Московский театр русской драмы под руководством М.Щепенко на сцене Академического русского театра драмы им. Г.Константинова)

15 июня

18:00 – Рок-опера «Биармия» (Марийский национальный театр драмы им. М.Шкетана)



Геройн лумжө ила

В.И.Шарпатов – ВВС подполковник, граждан авиационный лётчикше. Звенигово район Красногорский посёлкышто шочын. Афганистан сар годым ИЛ-76 самолётшыш Кандагар ола воктенысе аэродромыш шындаш пернен. Ик ий гыч экипаж плен гыч куржын утлен.

Российысе калык фронтын «Школлан – геройн лумжым» патриотический акцияшыкыже Звенигово район Красногорский посёлкысо 1-ше номеран кыдалаш

школ ушнен. Туныктышо, тунемше да ача-ава-влак школлан Россий Герой Владимир Ильич Шарпатовын лумжым пуаш пунчалыныт. Торжественный мероприятийышке Россий Герой шкежат толын, чапым ыштымылан таум

2010 ийыште «Кандагар» фильм экраныш лектын. Тун геройн прототипше – командир В.И.Шарпатов.

ойлен. Тунемше-влак тиде кечылан ямдылалтмышт годым класс шагатым, сочинений да сурет конкурсым эртареныт, В.Шарпатовын почеламутшыш лудыныт.

О.КУЗЬМИНА.

12 июнь – Российын кечыже

Элын ончыкылык тукымжо

Российын кечыжым икымше гана 1990 ийыште палемдыме. Йоча-влак тиде паирем нерген мом палат?

Яна ПРОТАСОВА, Катя ГОРИНОВА, Вероника БОГАЧЁВА (У Торъял, Токтарсола): «Школьштына шочмо эллан пöлеклалтше стенд уло. Тушан Российын Президентше В.В.Путинын фотожым, гимнын мутшым пижыктыме. Флаг, герб сурет уло. Российын гимнжым наизуст палена. Тыге ме шочмо элнам пагалымым, туддене кугешнымым ончыктена».

Маша РЫБАКОВА, Андрей ГОРХОВ, Иннокентий ЛАСТОЧКИН (Советский, Ушнур): «Ме Российын ончыкылык гражданинже улмынам раш умылена. Шочмо элнан символикыжым пален кушкына. Кум тусан флаг калыкын икоян улмыжым, келшен илымыжым ончыкта: ош тус – тыныслыкым палдара, канде – ушанле улмым, а йошкарге – тиде вий».

Л.ГРИГОРЬЕВА мутланен.



16 июнь
Йошкар-Ола

ПЕЛЕДЫШ ПАЙРЕМ

(«ПРАЗДНИК ЦВЕТОВ»)



Тумер ото

9 шагат
Агавайрем

Рүдө каные парк

9 шагат

Кудо-влакым верандымыш. Марий Элысе сүретче да фотограф-влакын пленэрышт почылтеш.



12 - 18 шагат

Мурымаш-куштымаш. Йоча да спорт мероприятий-влак: черемис кучедалмаш, калык модмаш.

Кенез эстрада-де площадке

«Морко кундем» калык вокальный ансамбль выступатла.

16.30 шагат

Гармоньчо да такмакым мурышо-влакын фестивалышт.

Тулото алан

12 шагат

«Калык чон» фольклор концерт: районла да регионла гыч толшо коллектив, мурызо-влак выступатлат.

16.30 шагат

Марий самырык театр «Немыч вате» (режиссёр З.Долгова) спектакльым ончыкта.



Сенгымашын XXX идалыкше лумеш полат


«Пеледыш-miks» (пеледыш нерген мурым мурышо-влак коклаште конкурс, пеледыш аршаш конкурс)
- «Марий ўдыр» конкурс
- «Шуматкече» ансамбль, Эстоний гыч хор выступатлат.



В. Ленин лумеш площадь

18 - 22 шагат

«Марипарк» сем да куштымаш спектакль
- Марий эстрадын шўдыржō-влак мурат
- «Йўд ола» файер-шоу



ЭТНОтўня

Л. ГРИГОРЬЕВАН фотожо.



Снимкыште Национальный президент школ-интернатын тунемшыже Ульяна Романова ден туныктышо-воспитатель В.И. Крылатовам ужыда. Ульяна почеламутым сылнын лудаш йōрата. Конкурслаште ятыр гана сенгыше радамыш лектын. Вера Ивановна Ульянам шымлыме пашалан кумыланга. Ўдыр Марий Турек районысо Сабактўр ялын кўсотыжо-влак нерген «Этнотўня» республикысе конференцийште каласкален.

Йолташем - сенгыше

Теният республикыштына «Культурный дневник школьника» тўвыра да туныктымо проект эртаралте. Мемнан районышто тўналтыш класслаште тунемше-влакым майыште саламышт. Мыланем «За активное участие» Таумутым кучыктышт. Мыйын йолташем, 3-шо классым тунем пыгарыше Ирина Михайлова, кокымшо гана сенгышыш лекте. Мыланна пōлекым пуышт. Мый умбакыжымат шуко книгаг лудаш, тўрлō мероприятийыш ушнаш шонем.



Валентина ИШИМОВА.
Татарстан, Агрыз, Пелемеш.

ЭТНОслёт



Б. ЭШКИНИНАН фотожо.

«Чоткар тукум» Кугу Корамас школыштына «Чоткар тукум» этнослёт эртыш. Тушко тўрлō вер гыч ятыр тунемше тольо. Презентаций площадке деч вара кум тўшкалан шелалтна. Иктышт - сўретлаш тунемаш кумылан-влак, весышт - пугыч пўчкедыше, а мый кумшо тўшкаш вашкышым. Вуйлатыше Г.М. Михайлова уна-влакым аралтышан тўрым тўрлаш туныктыш. Мый идалык мучко «Маритўр» кружокыш коштым, сандене толшо-влаклан тўрлаш польшкалышым. Мыйын шонымаште, этнослёт пайдале лие.

Анастасия МИХАЙЛОВА.

Волжский район.

Российыште 14 июньышто Футбол дене тўнямбал чемпионат тўналеш да 15 июль марте шуйна.



Тўнямбал чемпион лўмым сенен налме верч тўрлө эл гыч 32 команде таңаса, нунын коклаште – Российын командыже.

Чемпионатын эмблемыштыже Футбол дене тўнямбал федерацийын кубокшын ўжакаже палдырна. Тушто кум ужашым ужаш лиеш: тиде сандалыкым сенен налмаш, иконопись да футболым йоратымаш.



Модмаш
Российысе 11 олан 12 стадионыштыжо эрта.

Чемпионатын талисманже – Забивака лўман футболлист пире.



Марий Эл,
Руш Шайра.
2018 ий,
3 июнь.

Футбол тўня

Ме изина годсек футболым ончаш, тудын дене модаш йоратена. Элнан сборныйжо модмо годым ешна дене телевизор ончык погынен шинчына да кычкырен-кычкырен «болетлена». Футбол дек Саша изайна эн шўман. Кызыт «Арбор» ял командын модшыжо. Тудын йоратыме командыже – «Спартак» (Москва). 2016/17 ийлаште команде чемпион лийын да кызьтат тиде лўмым нумалеш.

Мый «Спартакын» модмыжым шке шинчам дене ужаш шукертсек шоненам ыле. Вучымо кечем толын шуо. Ме: мый, Диана шўжарем, изам да кок йолташыже – Озангышке кудална. Эн ондак командын разминкыжым ончышна. Теве свисток йўк шоктыш, матч тўнале. Россий мучко миллион ег йоратыме командыже верч коляна. Уло стадион мучко «Вперёд, Спартак!» кычкырыме шергылте. «Спартак» сенгыш, ме чот куанышна.

Марий Турек, Арбор.

Ўдыр улам гынат, мыланем тиде спорт модмаш пеш келша. Кузе ойлат: «Ончыза футболым, йоратыза футболым, модса футболла!»



Лиана СЕМЕНОВА.

Мўшылъер воктене

Курыкышто куржмаш дене Всероссийский таңасымаш эртен. Волжский районын V первенствыже «Ямде лий» газетын 85 ияш лўмгечыжлан пөлеклалтын.

Тыгодымак Марий Эл Республикын чемпионатше да первенствыже, Россий Гран-прин IX этапше, ветеран-влак коклаште курыкышто куржмаш дене Российын XV чемпионатше да эстафетте эртенят. Российын 7 регионжо гыч спортсмен, ветеран-влак да 156 йоча ушненыт. 1,5 менгыш куржмаште **Андрей Васильев** ден **Мария Козлова** (Волжский, Памар) сененыт. **Илья Ильин** (Памар) ден **Юля Тимофеева** (Пөтъял) кок менгыш куржмаште ойыртемалтыныт. Ныл менгыш куржмаште **Дмитрий Фёдоров** (Звенигово ола), **Наташа Паймерова** (Чодыраял), **Даниил Тимофеев** (Карай), **Марина Семсеева** (Памар) ончык лектыныт.

Л.ГРИГОРЬЕВА.



Моло фотом vk.com/yamde_lii электрон адрес дене ончыза.



Волжский районын шочшыжо, ветеран-влак коклаште курыкышто куржмаш дене Российын вич гана чемпионжо, спортын ветеранже В.Н.Мартьяновлан кугу таум ойлена.

85



Кыс-кыс, Барсик!

Мемнан суртышто ик пырыс веле озаланен ила. Тудын лүмжө – Барсик. Капше ошо да тул тусан. Пырысигым мыланем йолташем пуэн. Барсик изиж годым моткоч модаш йората ыле. Пурешат ыле. Кугурак лийын да лыпланен. Мый тудым эре туныктем. Барсиклан «кыс-кыс-кыс» каласемат, пеш талын кудал толеш. Тудо чылт йоча гай, вес пырыс-влак денат модеш. Мөнгө жапыштыже пörтылеш.

Михаил РЯБЧИКОВ.

Советский, Ёшнёр.



Авторын фотож

Синк-вейн

Муся

Мотор, пушкыдо.
Модеш, кочкеш, мала.
Колям пеш кучышо.
Пырыс.

Лариса БУЛЫГИНА.
Советский, Орша.



Суртвольыклан – чип

Идентификацийым ыштыме да суртвольык-влакым учётыш шогалтыме дене ветеринар клинике-влак чипированийым эртарат. **Чип – тиде изи гына микросхеме (кужытшо – ик сантиметр утла, лопкытшо – кок миллиметр наре).** Тудо вольыклан нимогай энгекым огеш кондо. Лүмын кельштарыме Ридер Р-100 дене кажнылан идентификационный номерым палемдат. Чип шприц дене шындалтеш.

Молан тиде ышталтеш? Суртвольык-влакым тўнямбал данный-влакын базышкышт пуртат. Марий Элыштат чипирований кумдан шарлен. Сай урлык пырысым але пийым йот элыш нангаяш манын, ег-влак ветеринар-влак деке йодмаш дене толыт. Евросоюзыш пырышо эллаш номердыме ныл йолан йолташ-влакым пурташ ок лий. Медведево район мучко 80 имне, Советский районышто 25 спорт имне идентифицироватлалтын.

В.ВАВИЛОВА,

Марий Элысе ветеринар комитетын
председательже.



Мыйын уло
йолташем,

Тудым кидыштем кучем,
Шыма пунжым ниялтем,
Тамле кочкышым пукшем.
Шинчашкемже ончалеш,
Тау мутым ойлалеш.

Вот тыгай мыйын йолташ,
Лүмжө тудын – Опанас!
Катя РЫБАКОВА.

2-шо номеран
Шернур школ.



Мыйын пырыс лу ияш,
Тудо сай да ушан пеш.
Мый денем эре модеш,
Мече почеш куржталеш,
Күшкө, ўлык тörштылеш.
Мый шылам – вигак муэш,
Писын мый декаем толеш,
Йол йырем пörдал налеш.

Иван БАКУНОВ.

1-ше номеран Шернур школ.



Акман
чара сер воктен.

ТУШТО

Кая-кая,
корныжо уке.



Лаштыкыштына коляиге-влак
шылыныт. Мынярын да
кушто нуно улыт?
Кычалын муза.



Воронеж олаште

мультфильм гыч геройлан
памятник уло. Молан шогалтыме?
Могай мультфильм гыч? Вашмутым

муаш тиде
фото полша.

Вашмут:

«Котёнок»
«Явоча»
«Мультфильм»
«Явоча»
«Явоча»
«Явоча»
«Явоча»



Калык палылан ўшаныман

Ик кечын кечывал кочкыш жапыште Юля йолташ ўдырем дене библиотеке гыч школыш кутырен-кутырен ошкылына. Кенета ончычна шем пырыс кудал эртыш! Ме ойгыраш тўнална: школыш миен шуынат, иктаж азап лийшаш мо? Визымше урок сайын эртыш.

Так арам тургыжланышна манын шоналтышна.

Руш литератур урок тўнгале. Мөнгысö пашалан Саша Чёрныйын «Игорь-Робинзон» ойлымашыжым лудаш да

каласкалаш пуэныт ыле. Туныктышо журнал радам почеш ўжаш тўнгале.

Юля ямдылалтын огыл – «кокытаным» нале. Мый лўдын-лўдын

каласкалышым – «визытаным» налым.

«Уфф!» – куштылгын шўлалтышым. Вара мый шарналтышым:

«Вет Юля мый дечем ончычрак вончыш. Тугеже калык палылан ўшаныман».

Ольга СТЕПАНОВА.

Морко, Шап Унчо.

Морко, Шап Унчо.

Морко, Шап Унчо.

Морко, Шап Унчо.

Морко, Шап Унчо.



Мыйын шочмо жаплан (1939 ий октябрь) «Ямде лий» газет куд талукат пелым илен шуктен. Туге гынат мыйын тангаш йоча-влаклан тиде газетым лудашат, тушко серкалшат верештын огыл. Моланже пале: сарлан көра тудым 1941 ий кенжежым савыктым чарненыт. «Ямде лий» чырык курым эртымеке иже, 1967 ий январьште, угыч шочын. Лач тудо ийын, кенжежым, шкежат журналист пашашке шогалыым: Н.К.Крупская лумеш Марий пединститутым тунем лекме деч вара мыйым «Марий коммуна» газет редакцийш корреспондентлан налыч.

Мый «Ямде лий» газетын журналистше-влак Борис Данилов, Валентин Исенеков да

Пел курым – «Ямде лий» дене йыгыре

Тыглай юнкор лияш ыш догал, А лийым почётан юнкор.

моло дене пырля ик пöртыштак пашам ышташ тўнална. А саде пöртшö М.Шкетан лумеш театр лишнак, Волков уремыште, лийын. «Ямде лий» редакций икымше пачашыште верланен, а «Марий коммуна» – кумшышто. Тыштак лийыныт «Марийская правда» ден «Молодой коммунист» газет редакций-влак.

Валентин Исенековым пединститутыш тунемаш пурымо жап гычак (1962 ий) паленам. Литературный кружокыш пырля коштынна. Тудын занятыйлаштыже тыгак Зиновий Краснов, Александр Селёдкин (Селин), Юрий Артамонов, Максим Делянов, Анатолий Атюлов, Геннадий Тихомиров, Авенир Апатеев, Геннадий Александров да молат лийыныт.

«Марий коммунышто» мыйын пашам литератур да культур дене кылдалтын ыле. Сандене Валентин Исенеков тиде але вес теме дене статьялам йоча газетлан возаш йодаш тўнале. Южо темыже поснак кумда лийын. Тунам Олык Ипай лумеш премийым пуэдаш тўналмылан (1968 ий) жап шукак эртен огыл ыле. 1975 ийыште «Ямде лийын» редакцийже тиде премийын лауреатше-влак дене полмезе тукымым палдараш ойым пидын. Да тиде пашам, манмыла, мылам кучыктен пуышт. Саде ийын 1 ноябрьште йоча газет тидын нерген тўналтыш статьямым савыктыш. Лумжö – «Икымше номеран диплом». Тогдаяш неле огыл – тыште Валентин Колумбын творчества нерген ойлалтын. Тылеч вара «Ямде лий» актрисе Галина Иванова (Ямаева), драматург Миклай Рыбаков, поэт Семён Николаев, 1-ше №-ан музыкально-художественный школ-интернатын йоча хоржо нерген возымым печатлыш.

Тудо жапыштак (1976-1977 ийлаште) пионер газетеш Яныш Ялкайнын мурпашажлан пöлеклалтыше «Кö тугай Андрей Толкын?», актёр да поэт Йыван Кырла нерген каласкалыше «Мустафалан салам» да моло статьям-влак лектыч.

1920-1930-шо ийласе автор-влак дене калыкым палдараш манын, кодшо курым мучаште «Ямде лий» шке лаштыклаштыже «Чодыра пеледыш» пöлкам почын. Тыгай луман поэзий книгам шке жапыштыже Сергей Чавайн ямдылен да 1925 ийыште Москошто савыктен луктын. В.Исенеков мылам умылтарыш: «Ты пöлкаште

ме кызыт шагал палыме, ынде мондалт шушо литератор-влак нерген каласкалалаш шонена. Кö нерген да кунам возаш – тый шке палет».

Эн ончыч, 1987 ий декабрь тўналтыште, фронтеш колышо поэт, этнограф, историк Пöтыр Ланов нерген материал лекте. Шукынжо палат, Лановын возымо «Ой, луй модеш» почеламут чапле мурылан негыз лийын. Лач ты мурым мура дрезине дене кудалмыж годым «Путёвка в жизнь» фильмыште Йыван Кырла (Мустафа). Лановын чын фамилийже – Лашманов. Тудо Йошкар-Ола воктенесе Йокнур (Алёнкино) ялеш 1905 ий мучаште шочын. Моско университетыште писатель Яныш Ялкайн дене пырля тунемыныт, пеш сай йолташ лийыныт. Балтий флотын воинже П.Лашманов 1942 ий шыжым Ленинград лишне увер деч посна йомын.



Снимкыште – йолташем-влак (шола гыч пурлашке) Валентин Исенеков, профессор Пётр Апакаев, Алеко Юзыкайн. Фотом ыштыме жап раш пале огыл.

Тидыжат онай, шонем: Лановын ватыже Александра Анашкина Марий радион икымше дикторжо лийын. Нунын Леонид эргышт офицерлан тунем лектын, полковник марте кукын, Москошто, Совет Армийын Генеральный штабыштыже служитен.

Кодшо курым мучаште «Марий Эл» ансамблын репертуарыштыже мурымман-куштыман «Ой, луй модеш» номер ыле. Ты номерым да уло концертым полковник Леонид Лашманов ужын кертше манын, мый тудым телефон дене кычал муым да «Россия» унагудысо залыш ўжын кондышым. Тунам, 1981 ий мартыште, Москошто Марий АССР-ын 60-шо идалькшылан пöлеклалтыше культур пайрем эртаралтын.

Г.ЗАЙНИЕВ.

(Умбакыже – вес номерыште.)

КОНКУРС!



Дана КУШАКОВА.
Морко, Коркатово.

«Икымше транспортем»



Элина СЕМЁНОВА.
Параньга, Ондропсола.



Варя, Паша, Егор ЯШМЕТОВМЫТ.
Советский, Алексеевский.


Паша-влакым 23 июнь марте колтыман, vk.com/yamde_lii адрес дене тўшкаш верандена. 3 июль марте йўклаш лиш. Эскерыза!

710
числа
142
деч
мынар
гана
кугу?

Йоча лагерыш икымше сменыш 155 тунемше толын. Тыште кенеж мучко 4 пачаш шуко йоча канен шукта. Лагерыште кенежым мынар тунемше кана?



Кок икгай сраво-чым кычал.



9 июнь – Йолташ-влакын тўнямбал кечышт

Маша дене ме изи класс гычак келшена. Тений 9-ше классым тунем пытарышна. Школышто эре пырля коштынна. Ме уло класс дене марий йылме да литератур дене экзаменым кучышна. Йолташ ўдырем дене коктын «5»-ым нална. Ме сырена гын, Маша сьорасаш темла. Садлан мый йолташем дене кугешнем.

Оля КОШКИНА.
Советский, Кукмарий.


Мастар кид




Мамык диск гыч ыштен ончыза.

1832=2 8088=7 4885=4
5432=0 2400=2 1034=1

Нуно иктөр улыт.
Но кузе?



8 ойыртемем му.



Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 1117. Формат – А-4-8. Директор-тўн редактор Л.В.Семенова.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.pro, Тел. 8(8362) 45-22-82 (факс).

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямделий» газет» кугужаныш унитарный казна предприятий.

Газетым редакцийыште погмо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Газетым Массовый коммуникаций сфериште да культур наследиим аралымаште законодательством шуктен шогымым эскерыше Федеральный службын Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Газетым Печать да массовый коммуникаций шотышто Федерал агентствын окса полишыж дене лукмо.

Печатьыш пуымо жап – 14-00, фактически – 13-00.

Авторын да редакцийын шонымашышт тўрлө лийын кертыт. Серыш-влак мөнгеш огыт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20 (юридический) Энерубал Амстердам, 1 (фактический).